

# OKUKORA PAADI KURUGA OMU BIREERE Z'OKWEJUNISA WAABA ORI OMU MICWE

## Orupapura Oruriho Eby'okwega

### 1 Shara Ekireere

Shara ekireere ekiine oburaingwa bwa mita emwe kuhika ahari mita emwe n'ekicweka kuruga omu rutookye omu kasheeshe kare nari bwaheza kwira munonga kyaba kyorobi. (Kyasharwa kigangaire munonga nikitagurika waaba nookitebeekanisa).



Ekicweka eky'aheeru eky'ekireere ekitarikurabwamu amaizi kyaba kitakashatwirweho



Ekicweka eky'omunda ky'ekireere ekitarikurabwamu amaizi kyaba kitakashatwirwemu

### 2 Boneza Ekireere

Siimuura ekireere orikwejunisa ekyenda kirungi kijubire kwenda kwihaho oburofa.

### 3 Gorora Ekireere

Kwata ekireere n'omukono gumwe reero omukono ogundi nagwo gukikwate mpora mpora beitu gukihamize reero ekiganja kyagwo okirambikye aha kireere ekyo orikwiha orubaju rumwe orikuza aha rundi.

Waaba noogorora ekireere



### 4 Shuubura Ekireere

Shuubura ekireere orikwegyendesereza kwihaho ekicweka eky'omunda ekirajje kurambikwa aha mubiri obwo orikushuuburaho ekicweka eky'aheeru.



Waaba nooshuburaho ekicweka eky'omunda

### EKI NI KIKURU: EBIREERE EBISHATAGURIKIRE

Ekireere ku kyakushatagurika rwagati, nikimanyisa ngu tikiriku-koresibwa. Ku kyakushatuka aha muheeru, akacweka akaashatukaho okaiheho (kwonka ekicweka ekyasigara kitashatukire kishemereire kuba nikyemariirira kiine obuhango burikumara)



Ekireere ekitagukire

Ahatagukire

## 5 Ekireere Ekitebeekanisiibwe Kwejunisibwa

Bwanyima y'okushuuburaho gye ekicweka eky'omunda ekirikuza kuteebwa aha mubiri, aho ekireere nikiba kiri aha mutindo gw'okwejunisibwa.



Ekireere bwanyima y'okushuuburaho kurungi ekicweka eky'omunda

## 6 Yejunise Ekireere

Kwenda kwejunisa ekireere, obaasa kukikwatisa omweko nari omuguha obwo orikukisibira nari kukizinga aha mweko ogwo ogukomeire ahaifo y'omukundi, reero okishuumye kirabe rwagati y'amaguru haza ogarukye okikwatise omweko nigwo gumwe enyima aharuguru y'ekibunu. Ekireere obaasa kukikwatisa omweko obwo orikukizingaho (reeba ekishushani ahaifo) nari orikutagura aha mbaju zaakyo reero obucweka obu waataguraho okabukoma aha mweko (reeba ekishushani ekindi ahaifo). Ohindure ekireere nk'oku kirikwetengyesa.



Ekireere ekizingirire aha mweko



Ekireere ekitaagwirwe obucweka aha mbaju reero obucweka bukakomwa aha mweko.


## 7 Okunaga Ekireere Ekikoresiibwe

Onage ekireere ekikoresiibwe orikukuratira ebi ahaifo:

Waaba nootura omu NDEMBO:



1) Oyosye ebireere ebikoresiibwe (ogu nigwo omuringo omurungi)




2) Ozinge ebireere ebikoresiibwe omu kintu kandi oshumikye aha munwa gw'ekintu ekyo. Ekintu ekyo ekirimu ebireere ebikoresiibwe okijwekye omu kindi kintu haza nakyo okikome aha munwa reero obinagye omu kasasiro.


Waaba nootura omu KYARO:



1) Oyosye ebireere ebyejunisiibwe (ogu nigwo omuringo omurungi)



2) Onage ebireere ebikoresiibwe omu kihoroonyo



3) Ozinge ebireere ebikoresiibwe omu kintu kandi oshumike aha munwa gw'ekintu ekyo. Reero ekintu ekirimu ebireere ebikoresiibwe okijwekye omu kindi kintu nakyo okikome aha mutwe reero obinagye omu kasasiro.